

元始無量度人上品妙經卷之五十七

解釋幽牢品

道言昔於始青天中碧落空歌大浮黎土受元始度人解釋幽牢妙品元始天尊當說是經周迴十過以召十方始當詣座天真大神上聖高尊妙行真人十方救苦天尊玉清雲宮大慈天尊大悲真帝酆都九幽帝主仙官無鞅數眾乘空而來十方起雲混如丹色瓊臺寶宇隱顯太空玉馬金龍驂霞泛景飛光鳳蓋垂蔭珠璣瑞彩天光流煥四極蔚鬱淵映明徹碧空七日七夜紅霞搖曳連嶽神鄉天都紫微層影洞耀丹殿星宮瓊堂日闕珠緯躋虛玉綱流演紫烟紛華山海凝碧瑞金爲界色雲合道藏輯要

度人妙經

七

元集五

防清靜聖途明無纖玷眾真侍座元始天尊立坐空浮八山九海伏龍翔虎十極太玄之座說經一遍天帝鼓節高真洞詠是時一國重冥陰域一時光明說經二遍地下重壘三十六皇俯伏恭聽簡閱皇籍說經三遍氣流甘濡灑潤枯朽說經四遍殺鬼滅爽魔眾失聲說經五遍地吐芝英八十一種蘋蒼秀異奇文燕胎說經六遍酆山震搖黑海停沸說經七遍九幽地獄萬里鐵城業火熾然億劫洞赤說經之際毒勢冰消炎牢清蕩說經八遍靈霞布空九色成字真文廓現赦諸罪人說經九遍暗氣凝雲傷血隕雨聞經穢淨神風掃塵說經十遍屍骨歛起靈顏鮮瑩自然成人是時一國是男是女悟道知真胞結解釋冥

關錄籍字迹除脫素幅鍊章了無罪目歸嚮天尊咸遂生養

道言是時元始天尊說經一遍東方無極無量品大慈九氣救苦天君無鞅之眾浮空而至說經二遍南方無極無量品大智三氣赦罪天君無鞅之眾浮空而至說經三遍西方無極無量品大明七氣執法天君無鞅之眾浮空而至說經四遍北方無極無量品大惠一氣息苦天君無鞅之眾浮空而至說經五遍東北無極無量品大悲梵氣破獄天君無鞅之眾浮空而至說經六遍東南無極無量品除過梵氣九幽天君無鞅之眾浮空而至說經七遍西南無極無量品大心梵氣拔罪天君無鞅之眾浮空而至說經八遍西北無極無量品大仁梵氣玉匱天君無鞅之眾浮空而至說經九遍上方無極無量品普濟一十二氣萬福天君無鞅之眾浮空而至說經十遍下方無極無量品不動五氣玄母天君無鞅之眾浮空而至十遍周竟十方無極天真大神無量天君一時同至一國男女傾心歸仰咸荷慈恩下逮淪亡俱霑聖澤感嘆之聲響動幽夜鳥獸悲嗥人鬼悵惋來者有如沙塵飄委嚮風傾注於是元始徧視羣生彈指微笑金口發光光如皎月上極無上剛風頂際下極水輪泉曲九漏無底陰谷無不照見一一光中皆現三界眾生善惡命根宿報新緣互相酬對業果自明心目同證此光旋行量成五色下覆人間上接天境運如輕車灼灼圓象逡巡九道狀如日出東蒙

道藏輯要

度人妙經

六

九集五
八八二

十方同色去地五丈炯燦停空元始登引天真大神上聖高尊
妙行真人十方無極救苦天君至真大神無鞅數眾俱入九色
圓象之中天人仰看惟見拂拂從圓光中入既入光中不知所
在國人廓散境宇如初元始即於九色圓象之中說經都竟眾
真監度以授於我當此之時喜慶難言法事粗悉諸天復位倏
歟之間寂無遺響是時天人遇值經法普得濟度解釋幽牢無
有橫傷傾土歸仰幽顯披心不怨不憎不執不滯不著不愛不
害不欺不冤不爭言必諧理口有和聲齊同慈愛異骨成親國
安民豐欣樂太平經始出教一國以道預有至心宗奉禮敬皆
得度世

道藏輯要

度人妙經

九

九集五
又八八

道言元始天尊說經中所言並是諸天上帝內名隱韻之音亦
是魔王內諱百靈之隱名也非世之常辭上聖已成真人通立
究微能悉其章誦之十過則諸天遙唱九幽啓闕冥海靜默業
山傾摧光徹幽夜積劫累代縲繫鬼都籍在三官朽骸積屍魂
魄囚考黑氣腥腐破膽裂腦火山水池焚爍烹瀆以萬計期無
有晝夜聞此玉文天真靈篇則太一錄魂南丹鍊神神還識明
捨妄歸真鬱結冤負應時清明太和真氣入其身形蓮花捧履
龍瑞扶顏與天人樂大魔伺迎至學之士誦之十過則岱宗凜
命紂絕凜恭此君奉書陰曹削名泥丸立堂七祖故氣氤氲未
開內構胎血百節蟲官骨中注吏地虎風獸啖骸食氣之鬼守

禦泉府銅犬火蛇之神惡烟四激窮魂芒昧神官切齒百里洋
鑊千尋鐵壘不見三辰詎曉道境真知沈淪罪根駢委牽連生
人追呼族緒冢宅之訟誣告天司冥漠無所一時萬死痛毒終
天聞此洞篇魔帥弭節黑帝停軒往劫古爽近世苦魂道力陶
冶變酷消仇玉厯定科紫雲覆座神風調逸墮魄飛昇死尸無
拘逍遙三界輕誦此章身則被殃供養尊禮門戶興隆世世昌
熾與善因緣萬災不干神明護門斯經尊妙利樂幽靈度人無
量爲萬道之宗巍巍大範德難可勝

道藏輯要

度人妙經

三

元集五

滯爽太上不以聞宥上帝不以恩原禁獄幽牢在女青天一王
平女沙九陰大禁都司檢形五老校錄暗黶芒窈之穴毒風醜
類蘊墮四瀆海閭枯削寒丁大魔勅制之魅誦此洞章歟然自
生光梵變立屍齒得度與神同昇洗除罪咎青錄紀名刺姦司
非不得鼓蝟鋒之斷筆韓君丈人將折簡於螭笈是皆立司九
幽酆泉之重刑此經解釋渙爾泮散而好學至經功滿德就皆
得神仙飛昇金闕遊宴玉京也上學之士修誦是經節關開通
胎真明正洞陰一府六峯遊精隨氣變化與時出入或感人呼
吸流毒飲食因葛梗以兆體假冥漠以潛靈九府捕索三官定
書經道至神皆卽受度飛昇南宮世人受誦誠貫十天幽牢苦

爽祖世親緣紀過泰山刊名北都皆得鍊質丹陵瑩魂炎海誦
聲成雲載此冥魄逍遙大无過度輪轉不經生死奉行之者則
延壽長年後皆得作屍解之道魂神暫滅不住地獄卽得返形
遊行太空此經微妙普度無窮一切天人莫不受慶無量之福
生死蒙惠上天所寶不傳下世至士齋金寶效心盟天而傳輕
泄漏慢殃及九祖長役鬼官侍經五帝玉童玉女各二十四人
營衛神文保護受經者身

道言正月長齋誦詠是經爲上世亡魂斷地逮役度上南宮詣
三元洞宮主生太陽火官焚除罪簿赦免吞火食炭洋銅沸鑊
銅柱鐵床燒烹炮烙眾苦之罰經道神力變成清池獄具惡器

道藏輯要

度人妙經

三

九集五
又文

悉爲蓮花七月長齋誦詠是經爲上世亡魂祖考宗姻昇遷鍊
化削滅罪緣慶流孫曾詣三元洞宮主死太陰水官漂蕩刑書
滌濯元贗淨除溟波海濱沒溺寒夜冰池雷震霹靂泉曲徒役
絞水暴注湍激驚濤眾苦之罰經道神力變成安室獄具惡器
悉爲樂玩十月長齋誦詠是經爲上世亡魂姑妣娣姒往逝婦
姬解斷徵呼復連傳逮詣三元洞宮主生死罪錄官釋放考掠
訊訟簿錄證佐對定冤仇銜負悔恨暗鳴追召眾苦之罰經道
神力變成德友獄具惡器悉爲珍寶八節之日誦詠是經奉詣
九宮直符九府直事八方大獄九幽泉牢開通八門受生八道
天人鬼神地獄餓鬼畜生魔帥妖魅出離禁獄各乘生功度脫

九幽爲大施者本命之日誦詠是經爲北斗司命司錄主非典
禁命在斗宮計年期月追召生魂上詣斗宮校定罪福度脫三
災四殺五苦六害七傷八難九厄十極事在三元考官冥曹譴
謫眾苦之罰經道神力不有害傷魂神澄正萬炁長存不經苦
惱身有光明三界侍衛五帝司迎萬神朝禮名書上天功滿德
就飛昇上清

道言行道之日皆當香湯沐浴齋戒入室東向叩齒三十二
通上聞三十二天心拜三十二過閉目靜思身坐青黃白三
色雲氣之中內外翳冥有青龍白虎朱雀玄武獅子白鶴羅
列左右日月照明洞煥室內頂生圓象光映十方如此分明

道藏輯要

度人妙經

三

亢集五
川川川

密咒曰

無上玄元太上道君召出臣身中三五功曹左右官使者侍香
玉童傳言玉女五帝直符直日香官各三十二人關啟所言今
日吉慶長齋清堂修行至經無量度人願所啟上徹徑御
無上三十二天元始上帝至尊几前畢

引炁三十二過東向誦經

元始無量度人上品妙經

元始洞玄靈寶本章解釋幽牢開光度人諸天隱韻離合自然
太始無文杳冥中真元氣化生紫烟氤風火陶埴流精自凝
支勢低回鏤玉鎔金垂芒駕霞采布十方混洞赤書命意寫形
離爲萬象合爲寶經累珠貫花激濁揚清五老吐符皇人寫靈
造化以成三界開明天以之清地以之甯人以之生神以之靈
物以之成梵氣左騰春夏肇興天光右馳秋冬滋榮元始上帝
命曰玉真上無復祖惟道爲身五文開廓普殖神靈三辰揚輝
鬱羅玉清九壘植根冥渺豐城下有太魔與道同生羅山龍源
酈都肆姦蕩蕩億程洞宮熒凌中有萬鬼鼓鎗巨兵獄考幽陰
道藏輯要

度人妙經

三 元集五

大劫匪捐火鐵億壘天地無門大悲道王天中之尊口放神光
光顯玉文瑞霞絡碧鳳氣成雲禁獄乃開黑界光明九龍銜符
鍊度種人是爲大梵天中之天繁薈庶生知識自營內構巨業
默與神爭神本自天元惡相纏苦魂冥冥墮拘重泉鬼帥執契
虎卒仗鞭按券呼名敢干我前黑甲噴火電母攝仙萬毒備形
閉以天關沈目塞耳寥邈南丹哀企玉符赦此幽艱碧空莽莽
九劫重山太一黃旗司命騁轅告命九陰典宰司殺元童都禁
大君北陰大神司錄主算捕魂化生四明五嶽泰山丈人解釋
幽牢無量度人今日校錄諸天臨軒

東方無極道化神王長生大聖無量度人

南方無極度生神王長生大聖無量度人
西方無極堅德神王長生大聖無量度人
北方無極玄照神王長生大聖無量度人
東北無極救苦神王長生大聖無量度人
東南無極拔罪神王長生大聖無量度人
西南無極濟苦神王長生大聖無量度人
西北無極赦罪神王長生大聖無量度人
上方無極昇度神王長生大聖無量度人
下方無極普惠神王長生大聖無量度人

十方至真慈化神王長生度世無量大神並乘流雲彩車紫蓋

道藏輯要

度人妙經

三

九集五

彤輪驂駕綠象白獸斑龍建招神之節返生靈旛前合九真之
曲後奏八會之音天馬麒麟騰躍辟非六丁啟道七曜捧轅億
乘萬騎浮空而來傾光回駕監真度生北陰右相洞淵化宮三
元助理太上靈君執籙持符同會帝庭隨所開度嚴誓百神普
告黃闕無極幽關悲歌九映故試大魔六天治獄萬鬼之營冰
池沸鑊銅柱火山飛戈飄戟巨石刀輪三塗長役五苦夜河虛
皇有命皆使超升北都寒池部衛形魂制魔保舉度品南宮死
魂受鍊仙化成人身受度劫劫長存隨劫輪轉與天齊年永
斷幽沈苦趣之難超凌三界受鍊洞陽洞陽之天天帝道元無
色之境梵行

東方八天

玉餘明報天

帝蔚覽眞

蒼靈洞籍天

帝耶殊覺氛

妙極神際天

帝錄多清夷

長智通奇天

帝元胎保眞

救寂愍和天

帝元胥子明

玉回霞緒天

帝招靈款神

赤瑜寶淨天

帝珈輔龍琛

道明雲覬天

帝清宣左聲

南方八天

道藏輯要

度人妙經

三五

九集五

德育正化天

帝傳明道因

玄靈妙濟天

帝粵須延生

虛璿澄廉天

帝露憫遞聰

彰容克間天

帝彥韋常臻

奏須歷靜天

帝婆藍宛都

太妙希玄天

帝招眞烈元

和遲竟觀天

帝部陀鬱彌

深極勝離天

帝明朝紫賓

西方八天

鬼樞星映天

帝光輿羅軒

超氣皇度天

帝柏華月璘

昭寅澄觀天

帝至輔虎林

蕩拂遠想天

帝覺慮騫奚

靈微四極天

帝彥光平舒

月廣耀虛天

帝布華總陳

昌宜管祖天

帝畢康參

勅嚴制魔天

帝開圖祖玄

北方八天

紫華慶陽天

帝辯惠源

常憫亟濟天

帝羅遜義淵

道藏輯要

度人妙經

三

元集五

征旗闢虛天

帝虛岐杳宗

彊明拯機天

帝魯評翬

太極允明天

帝未京左邱

濯儲烈和天

帝曜童齒南

浸微液華天

帝瀦靈宛甯

河都曲泉天

帝江定英

三十二天三十二帝諸天隱諱諸天隱名天中空洞自然靈章
諸天隱韻度幽之音降幽之尊感幽之神解釋幽牢化度羣靈
九幽十極變化幽冥無量之奧深不可詳道出神真普度窮魂
今日欣慶受鍊歷關諸天請滅三惡斬絕地根飛度炎池名列

太玄魔王監舉無拘天門東斗主訟西斗司刑北斗出命南斗
變生中斗降神魂魄以靈青帝授性白帝造刑赤帝傳識黑帝
運精黃帝養胃出納分明木獄神王考掠爭析火獄神王燒焚
烙炙金獄神王斬摧鑊戈水獄神王寒冰凝冽土獄神王陷壓
埋壘五獄大魔禁獄之宗飛行肆兇總領鬼兵持刀負鑊鼓氣
成風屠割幽爽酷慘莫容上天度人勅告北酆鬼相稟命晶晶
效祥鐵城摧圯火網不張肩雉按戟冒虎執鎗威具咸息惡氣
殄亡獄化仙苑人道翱翔敢有干試拒遏上真金鉞前衝玄纛
後停屍鬼得度眾苦斯平千千出獄萬萬賦形魔王審對鬼神
考情三官北酆明檢鬼營不得容隱金馬驛程普告無窮萬神
道藏輯要

度人妙經

三

元集五
卷之三

咸聽三界五帝列言上清

元陽玉匱區別冥魂大劫極於陽九小劫極於陰六是時水騰
火飛九六爲變兵刃誅刑山嶽搖響宇傾宙移風烟雜亂神州
玉京太玄之庭眇眇億劫非晦非明上達八剛不動之界下極
種民不易之鄉崑崙龍淵玉州黃庭三災不干有諸清靈明爽
之魂皆道氣之佑不遷不馳自無營營元始大慈赤書合明煥
爛玉屈罪縻紫清鳳戴龍負赦釋苦靈有在三官動經億劫成
壞之變業累無解囚閉幽牢劫載拘留墮黑暗城眇眇之中上
極無色下極無淵風震九虛不知其天無光無明洞幽洞冥形
影窮極出入死生汨汨混海昧魂交局鎖鑄鉤鉗同業積生玉

章開明運度自然立老舊戈龍銜五篇赤書紫圖青華虎文芒
回露披金斗炳分保制劫運使天長存陰爽結羅道力開張北
山元阿徂東陂陲惡根流演三十六都輪轉并獄周回九幽斗
箕之緯旋厯五場萬八千牢總氣三元六洞列宮氣入太玄玄
中大魔業等高眞泛氣鼓烟承聽玉章金馬驛告拔宥鬼營清
歌召神蘭音輔眞冥滯決舒隨感受生聖眞布化無幽不聞左
嘯紫童右扶帝宸陽建陰闢元精化身千和萬合自然成人輪
轉五道假受成形形中有神長生大君無英公子白元尊神太
一司命桃康合延執符把籙保命生根三官錫符獄帝紀名隨
宿命緣三界乃生上極皇曾色界之天桂館華房八冥之內細
道藏輯要

度人妙經

天

九集五
×リ三

微之中下及酆羅洞陰玄宮中分九類二十四生泉瀆獄磧冥
漠鬼神十轉幽關苦爽齊仙仙道貴生無量度人上開八門飛
天法輪罪福禁戒宿命因緣普受開度死魂生身身得受生上
聞諸天諸天之上各有生門中有空洞謠歌之章救苦靈篇辭
參高眞

第一泉曲府滅罪濟苦天尊解釋幽牢飛空之音

長川浩浩

洪流九源

波惡毒兮

汨沒沈淪

業纏結兮

攝縛牽連

大穴極無底

杳杳藏萬凶

冥冥眾苦爽

受報北羅酆

汲汲泉山下

督責冤何窮

鬼吏考業體

哀號震寒空

罪目在三官

苦網脫無門

飛天下太元

八道開幽關

洞文燭長夜

拔度受生魂

萬劫永逍遙

稽首荷玄恩

第二九幽府開光拔罪天尊解釋幽牢之章

崑邱差戕

仰祝八騫

遐觀十天

四睇諸方

九幽大神

變化億身

善功刻名

朽骨成仙

太一在上

綠宮光連

幽壤在下

穢氣紛紛

黑山東兮

鬼獄長存

鐵牢依南

道藏輯要

度人妙經

元

九集五
川又川、

萬劫火然

遙遙九空

流浹道恩

狴獄清蕩

嚴降高真

鍊鬼登玄

金籙簡文

識坐蓮胎

得度靈身

不經三途

世世爲人

慶雲飄飄

琅琅玉音

第三酆都府五靈洞陰天尊歌曰

北淵潭潭

氣貫鬱羅

鬼門四關

酆山嵯峨

六天九府

是鬼神家

癸海億萬

嵌巖獸都

洞陰流光

潛通太虛

元始真王

伏御眾魔

飛雨甘露

續委天葩

瑞臻福應

度魂其多

功德咸備

遏截妄邪

惟道爲謀

罔識于他

內真自充

神登三華

永謝羅酆道

仙境由是過

超昇紫雲上

脩脩入无何

此三府之上飛空之中高真靈音參洞章誦之百遍名度南宮誦之千遍普攝魔魂萬遍道備解釋煩冤超度三界簡刻太玄有聞靈音魔王敬形勅制地祇侍衛送迎拔出地戶五苦八難七祖昇遷永離鬼官魂度朱陵受鍊更生是謂無量普度無窮有祕上天文諸天共所崇泄慢墮地獄禍及七祖翁

道藏輯要

度人妙經

三

九集五

道言此二章並是諸天上帝及至靈冥尊隱祕之音皆是大梵之言非世上常辭言極幽黯歌洞靈筌故謂玄奧難可尋詳上天所寶祕於玄都紫微上宮依玄科四萬劫一傳若有至人下濟泉局拔度幽窮救死回生齎金寶質心依舊格告盟十天然後而付焉

道言夫依業託識依識顯神神爲來往之主識爲死生之根神識業因三者爲一萬劫蒙蔽不脫幽關神雖不遷因業外變六道四生天魔秉權注籍斯艱業力脗合氣精流傳歛爾爲人福命所懸貧富貴賤簡記本緣神風運轉萬形允宣生死之時同氣皆當齊心修齋六時行香十遍轉經福德立降消諸不祥無

量之文普度無窮

道言夫末學道淺或仙品未充運應滅度身經太陰臨過之時同學至人爲其行香誦經十遍以度屍形如法道業淨戒之魂在三官保命府左右侍中仙卿之間校記立功者卽得乘駕飛龍侍軒帝宸修真鍊道致一守神之魂在東華清虛東榮童初遊散進功者卽得御素輶於北元朝太極於上宮位證高仙預治天政主化行權清明苦爽隨世希仙三乘之魂在山川福壤主者之任者魂神徑上南宮隨其學功計日而得更生轉輪不惑便得神仙

道言夫道無終始人有死生惟一真大神與道同體永無變滅

道藏輯要

度人妙經

三

九集五
六六

業風乘神搏識滅性假於形類形同於物故有終盡終盡者形之氣氣之限至神不終世人惑妄認爲死生執於業識墮於地獄迷蔽自惑鬼官執錄永閉幽牢黑暗萬重不覩圓曜元始運悲神文光麗玉書散芒醜形得度計日超昇沖氣滋融靈眸煒燠臨將鍊易皆當修齋行香誦經夫齋戒誦經功德甚重上通九天保鎮帝王下濟冥途以度罪魂生死受賴其福難勝故曰無量普度天人

道言凡有是經能爲歷劫幽魂苦爽無量冥途行是功德開度之日發心修齋燒香誦經十過皆諸天記名萬神侍衛右別至人克得爲聖君金闕之臣諸天記人功過毫分無失天中魔王

亦保舉爾身得道者乃當洞明至言也

諸天中大梵隱語無量音 道君撰

元始靈書解釋幽牢洞篇

東方八天

歷阜輿衡 謨民越琳 迂池宛敷

果箕拒藍 崔波雲隨 魔夷鹿彬

滴無彥嘉 明微奴銜 至陳耀廬

仙期阿曇 劍島玉提 魔棲瑤敦

鬼星皋房 覺體運元 善憫綠華

敵司毗南

內八字岱
宗禁司

道藏輯要

度人妙經

三

元集五

南方八天

霄虛做熾 遠釋皆賓 墟除罔甯

偃南俎澄 月斗羅稽 孟昏社榮

寥扈景瑰 紫微胡凌 波陀臺阿

照徂曲征 命延佐蕪 路百祠輪

道定虞渚 歷正孚瓊 兆堯柏轡

洞清湊營

西方八天

奏度球疑 冲朋聯棲

此八字爲九
幽太一號

迷盧蘇文 寂幾渠施 汶漠協鑾

神斗玉儀 觀倅合積 噓持米離

玄方碧羅 陽志荒時 七覺遙祖

卷通索達 霞敷琯姬 景育度元

混幾央卑 鼓龍澤歌 他墀半飛

龍晶由嶠

內八字 鄧城官諱

北方八天

玉蹊亂基 日淵孟池 溥載願列

坡荒元祠 絳洞妙齋 邱目蘊飛

定芒混逐 坤齊建蒙 激馘鬼鄙

煙營方仇 卯畜既明 菩郎罕投

道藏輯要

度人妙經

三

九集五

幽歌寒呖 烈燔夢遊 戟旦悅支

仙都霞周

內八字 玄老內名

道言此諸天中大梵隱語無量之音舊文書太玄北闕五靈長樓之上以開度泰山九幽羅酆泉曲冥關累苦之魂繫在三官不得自明逍遙玄空之者丹書揚之以濟淪苦昔天真皇人詣夜光元后模倣書之字皆廣長一丈八角垂芒委宛如印九六之會離爲正音有知其音能齋而誦之者諸天皆遣飛天神王下觀其身書其功勤上奏諸天萬神朝禮地祇侍門大勳魔王保舉上真道備剋得遊行三界昇入金闕此音無所不辟無所不禳無所不度無所不成天真自然之音也故誦之致地獄釋

縛長夜開曉幽牢陰界息苦超生人道安甯鬼途解脫碧宮霞
覆丹陵發光鎮靜海嶽福及萬生天垂彩耀地湧玉英冥慧洞
清大量立立也

道藏輯要

度人妙經

三

元集五
川文上

正一天師清微弟子共百暨製作

道教學術資訊網站